

Na temelju Okvirnog sporazuma o pružanju usluge osiguranja vozila broj 043-166/18 od 08.02.2018 godine i Odluke o direktnom sporazumu broj 0202-184/18 od 13.02.2018, Ugovorne strane:

JU ZAVOD ZA BOLESTI OVISNOSTI KANTONA SARAJEVO, ul. Nahorevska 173, 71 000 Sarajevo, koga zastupa direktor gospođa Doc.dr.sci med.Nermana Mehić Basara (u daljem tekstu: UGOVARATELJ)

i

ADRIATIC OSIGURANJE d.d. – Podružnica Sarajevo, Ul. Trg međunarodnog prijateljstva br. 20/1, 71000 Sarajevo, Bosna i Hercegovina, koju zastupa Direktor Alen Hujčić, (u daljem tekstu: OSIGURAVATELJ)

dana 16.02.2018. godine u Sarajevu, zaključili su slijedeći:

U G O V O R

O PRUŽANJU USLUGA OBAVEZNOG I KASKO OSIGURANJA VOZILA

PREDMET UGOVORA

Član 1.

[1]Predmet ovog Ugovora je pružanje usluga obaveznog osiguranja vozila (AO) i kasko osiguranja (AK) a sve u skladu sa ponudom od 05.02.2018.godine

OSIGURANJE OD AUTOODGOVORNOSTI (AO) i kasko osiguranja (AK)

Član 2.

[1]UGOVARATELJ se obavezuje da će s OSIGURAVATELJEM zaključiti police osiguranja od autoodgovornosti (AO) za svoja vozila i kasko osiguranje (AK).

[2]UGOVARATELJ će OSIGURAVATELJU dostavljati podatke o isteku registracije (osiguranja) do kraja tekućeg za naredni mjesec.

Član 3.

Cijene premije osiguranja od AO za vozila Ugovaratelja, određuju se u skladu sa Premijskim sistemom X- AO (zajedničke tarife premije i cjenovnik) za osiguranje od automobilske odgovornosti u BiH (od jula 1998 godine), koji je Osiguravatelj obavezan da primjeni kod zaključivanja ugovora o osiguranju od AO za sva motorna vozila u F BiH, prema Odluci Uprave Društva.

Član 4.

Ukupna vrijednost Ugovora iznosi 3.307,90 KM bez PDV-a.

Član 5.

[1]Obaveze OSIGURAVATELJA po osnovu osiguranja nastupaju izdavanjem polica osiguranja.
[2]Sastavni dio polica osiguranja su Uvjeti osiguranja.

Član 6.

[1]Registracija osiguranih vozila će se vršiti preko specijalizirane Agencije za posredovanje pri registraciji vozila Agencija Sunce d.o.o. Sarajevo, Azize Šaćirbegović 13.

- [2] Agencija Sunce će usluge registracije koje podrazumjevaju preuzimanje potrebne dokumentacije i dostavljanje ovjerenih saobraćajnih dozvola izvršiti besplatno.
- [3] Agencija Sunce će Ugovaratelju ispostaviti predračun obaveznih troškova registracije vozila (putarina, fond za zaštitu voda, BIHAMK, tehnički pregled vozila, takse i ostale uplate prema državnim organima)
- [4] Ugovaratelj se obavezuje predračun platiti odmah po ispostavljanju.

Član 7.

- [1] Prava i obaveze UGOVARATELJA i OSIGURAVATELJA, kao i postupak naknade štete detaljno su razrađeni u Uvjetima osiguranja.

PRIJELAZNE I ZAVRŠNE ODREDBE

Član 8.

- [1] Ovaj Ugovor se zaključuje na period od godinu dana počev od 15.02.2018. godine.
- [2] Ukoliko se jedna od ugovornih strana ne pridržava odredbi ovog Ugovora, druga ugovorna strana ima pravo na raskid ovog Ugovora pisanim putem uz otkazni rok od 30 (trideset) dana.
- [3] Ugovorne strane su saglasne da će u i slučaju otkaza dovršiti sve započete poslove nastale u vremenskom periodu važenja ovo Ugovora i izvršiti sve međusobne obaveze koje su preuzele prije isteka ili otkaza ovog Ugovora.
- [4] Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.
- [5] U cilju unapređenja poslovnih odnosa, tokom trajanja ovog Ugovora ugovorne strane mogu odredbe Ugovora mijenjati, dopuniti ili druge poslove regulirati sporazumno putem Aneksa ovog Ugovora, ili putem posebnih Sporazuma, s tim da sve promjene proizvode pravni učinak ako su sklopljene u pisanom obliku i ovjerene od strane nadležnih prestavnika ugovornih strana.

Član 9.

- [1] Ugovorne strane su saglasne da sva eventualna sporna pitanja rješavaju sporazumno, a u slučaju spora ugovara se nadležnost stvarno nadležnog suda u Sarajevu.

Član 10.

- [1] Ugovorne strane su ovaj ugovor pročitale i razumjele, te ga u znak prihvatanja svojeručno potpisuju.

Član 11.

- [1] Ovaj Ugovor je sastavljen u 4 /četiri/ istovjetna primjerka od kojih svaka strana zadržava po 2 /dva/.

JU ZAVOD ZA BOLESTI OVISNOSTI KANTONA SARAJEVO

Doc. dr sci med. Nermina Mehic Basara, Direktor

Broj: 0702/208

Sarajevo, 19.02.2018.



ADRIATIC OSIGURANJE d.d. – Podružnica Sarajevo

Alen Hujic, Direktor

Broj: 1253326

